




ILLOQARFIUP ILAATA
PILERSAARUSIORNEQARNERANUT
1C2-1
MEEQQAT ILLUAT



NUUP KOMMUNEA

TEKNIKKERQANERMUT AVATANGIISINULLU INGERLATSIVIK
JUNI 2000

Illoqarfiup ilaanut pilersaarusiornikkut aaliangersarneqartarpoq nunatat, sanaartukkat nutaat, pisuinnaat aqquaat, aqquuserngit il.il. qanoq atorneqassanersut, inissinneqarfissai aammalu sumiiffimmi aaliangersimasumi qanoq ilusilernerqassanersut.

Illoqarfiup ilaanut pilersaarussiaq nalunaarusiartaqarpoq aammalu illoqarfiup ilaanut pilersaarusiornarup sumiiffilerneqarsimaneranik nalunaarut tassani ilitersuineramik ittumik nassuiaattitaqarluni.

Nalunaarusiami naatsumik illoqarfiup ilaanut pilersaarusiap siunertaa illoqarfiup ilaanut pilersaarusiapi sumiiffinni aaliangersimasut eqqaani pigineqareersuni aammalu qanoq illoqarfiup ilaanut pilersaarussiaq pilersaarusiarnut allanut naleqqiullugu qanoq inissisimanersaq.

Illoqarfiup ilaanut pilersaarusiapi aaliangersakkat pisussaaffiliisarput. Ilusilersuineq aamma oqaasertat *kursiv*-imik naqitat siunertarat nassuiaaneq ilusilersuinerlu illoqarfiup ilaanut pilersaarusiornermi aaliangersakkanik.

Inatsisartut Peqqussutaat nr. 6 19. december 1986-meersoq nunatat atorneqarnissaat pillugu Inatsisartut Peqqussutaannik nr. 1. 18. juni 1987-meersumit allannguuteqartoq malillugu aammalu Nalunaarut nr. 23 18. november 1992 –meersoq Kommunalbestyrelsen pisussaaffigaa illoqarfiup ilaanut pilersaarusiornermi suliarissallugit nunatanit atuineq, nunaminertanik atuineq nunaminertanillu pilersaarusiorneq:

- Pisariaqarpat kommunip pilersaarusiorneqarnerata piviusunngortinneqarnissaata qulakkeerneqarnissaa.
- Illumik angisuumik sanaartorneq, sanaartugassanik suliassat imaluunniit nunaminertanik agguaassinerit aallartinneqannginnerini.

Illoqarfiup ilaanut pilersaarusiap inatsisitigut sunniutai sukumiinerusumik illoqarfiup ilaanut pilersaarusiapi eqqartorneqarput.

NALUNAARUSIAQ

Illoqarfiup ilaanut pilersaarusiap siunertaa.....	3
Illoqarfiup ilaanut pilersaarusiap sumiiffia aaliangersimasoo.....	3
Pilersaarummut allamut attuumassuteqarnera	3
• Kommuniq pilersaarutaa	3
Avatangiisinut tunngasut	4
Inatsisitigut sunniutai.....	5
Piffissaq oqalliffiusoo akuersinerlu	5


ILLOQARFIUP ILAANUT PILERSAARUSIAM I AALIANGERSAKKAT

Aallaqqaasiut	6
1. Illoqarfiup ilaanut pilersaarusiap siunertaa.....	6
2. Illoqarfiup ilaanut pilersaarusiap sumiiffia.....	6
3. Sumiiffiup atorineqarfissaa.....	6
4. Aqqusinermut biilinullu unittarfinnut tunngasut	6
5. Sanaartukkap annertussusia inissinneqarfialu	6
6. Sanaartukkap qaakkut isikkua	7
7. Nunaminertat sanaartorfigineqanngitsut.....	7
8. Teknikkikkut sanaartugassat.....	7
Akuersissutigineqarnera.....	8

BILAGIT

Bilagi 1 Sumiiffiup aaliangersimasup killingi, sanaartorfiit.....	9
---	---

Matumuuna kommunalbestyrelsen Illoqarfiup ilaanut pilersaarut 1C2-1 Meeqqat Illuat tamanut ammasumik akuerineqavissortutut saqummiutissavaa.



Killiliussaqaqarfiup killinga 1C2

Nassuiaat

Illoqarfiup ilaanut pilersaarussiaq siunertaa

Meeqqat Illuata ittuusup najugaqarfiata kuja-ta tungaaniit allineqarnissaa akulerukkiar-tuaartitsivimmillu immikkoortortaqaqfimmik avammut pisariaqartitsivoq. Ullumikkut tas-sunga tunngasumik illoqarfiup ilaata pilersaa-rusiorneqarsimaneranik atuuttoqanngilaq taa-maattumik una illoqarfiup ilaanut pilersaar-ussiaq suliarineqarpoq.

Illoqarfiup ilaanut pilersaarussiaq siunertaraa Meeqqat Illuata allineqarnissaata qulakkeer-neqarnissaa. Aammattaaq illoqarfiup ilaanut pilersaarussiaq qulakkiissavaa allissutaasut illumut pioreersumut naleqqussarneqarnissaat sumiiffimmullu ataatsimut tamarmi. Ima isu-maqartumik, allissutissap ilusilersorneqarne-rani illoqarfiup ilaata pilersaarusiorneqarne-rani kangianiittoq najugarfik eqqarsaatigineqas-sasoq, ilaatigut Sana "Noorliit"-llu eriaqisa-riaqartup eqqaa.

Illoqarfiup ilaanut pilersaarussiaq sumiiffia aaliangersimasooq

Illoqarfiup ilaanut pilersaarussiaq illoqarfiup killigani inissisimavoq. Sumiiffik Sanap avanaatungaanut killilerneqarfeqassaaq Tjal-fesvejimi najugassiaqarfiit kitaata tungaannut. Kujammut kangianullu illoqarfiup ilaanut pilersaarussiaq killeqarfigai sumiiffiit eriaqisa-riaqartut "Ny Herrnhut"-imiittut.


Sumiiffik "Nuummi illuutit illoqarfiullu im-mikkoortortai eriaqisassartaaniipput" immik-kut ittumik eriaqisassatut taaneqarsimalluni sumiiffik sanaartorfiussanngitsutut sukisaar-sarfittut atugassanngorlugu.

Pilersaarummut allamut attuumassuteqar-nera

Kommunip pilersaarutaa

Illoqarfiup ilaanut pilersaarussiaq sumiiffik Nuummi kommunip pilersaarutaaniipput 1993 – 2005 -imi, killiliussaqaqarfiup killinga 1C2 – Dronning Ingridis Napparsimmavissua.

Killiliussaqaqarfiup killinga 1C2 –imi aalian-gersarneqarpoq tamanut atugassanngorlugu sumiiffiup iluani sumut atoneqarnissaa, Dron-ning Ingridip Napparsimmavissuaanut atasut atorfillinajugassaat, sullissiviit assigisaallu.



Killiliussaqaqarfiup killinga 1C2


Avatangiisinut tunngasut

Aammattaaq aaliangiunneqarpoq sanaartorneqartoq marlunnik qaleriinnik portunerussanngitsoq, aaliangersakkani allamik allasimasoqanngippat. Toqqavissat pisariaqartitsineqartut sinnernagit portunerussanngillat illup pingaarnersaa ini nunamut attasuunnginnissaa pillugu. Nunap pisinnaatitsinera malillugu kælderimi inimik affarmik sanasoqassaaq.

Illoqarfiup ilaanut pilersaarusiaq kommunip pilersaarussianut naapertuuttuvoq.

Imikumut aqqut

Imikoq imikup aqqutaanut ingerlasassaaq, imikoq qalleq aamma imeq qalianinngaanersooq imikup aqqutaanut ataneqalissanngilaq, allamulli ingerlaneqassaaq kisianni sumiiffimmi sanaartukkanut allanut, pisuinnaat aqqutaannut, aqqusinermut nunaminertanullu sanaartorfiunngitsunut ajoqutaassanngilaq.



Sumiiffik Meeqqat Illuata eqqaani

Inatsisitigut sunniutai

Inatsisitigut sunniutissavii

Illoqarfiup ilaanut pilersaarusiaq akuerineqare-
erlunilu tamanut saqqummiunneqareerpat
nunaminertat illut sanaartorfiusullu illoqarfiup
ilaanut pilersaarutip iluaniittut atorneqas-
sanngillat, sanaartorfigineqassanngillat
imaluunniit illoqarfiup iluanut pilersaarusia-
mut akuerineqartumut unioqqutitsissanngillat.

Nikingassutit annikitsut pingaarutillit immik-
kut ittumik akuersissutigineqarsinnaapput.
Nikingassutitut annertunerusunut piuma-
saqaataavoq nutaamik illoqarfiup ilaanut pi-
lersaarusiortoqaqqaarnissaa.

Illoqarfiup ilaanut pilersaarusiap kinguneris-
sanngilaattaaq nunaminertat, illut sanaartuk-
kallu pilersarummiittut pilersinneqarnissaa.

Maannamut inatsisitigut akuerineqartut nu-
naminertat, illut sanaartukkallu ingerlaqqi-
narsinnaapput.

Ima ilaatigut isumaqarpoq inatsisitigut akue-
rineqarsimasut maannamut akuerineqartut
nunaminertat, illut aamma sanaartukkat in-
gerlaqqiinnarsinnaasut, kisiannili soorlu
sanaartugassamik napaaniarneq illoqarfiup
ilaanut pilersaarusiamik unioqqutitsissanngit-
soq.

Piffissaq oqalliffiusoq akuersinerlu

Illoqarfiup ilaanut pilersaarut 1C2-1, Meeqqat
Illuat tamanut oqallisissianngorlugu saqqum-
miunneqarnikuuvoq februarip 23.-nit april
tallimaata tungaanut ukioq 2000.

Aalajangersakkat

Kommunalbestyrelsip matumuuna makkua aaliangersakkat Inatsisartut Peqqussutaat nr. 6 af 19. december 1986-meersoq allanguuteqartoq Inatsisartut Peqqussutaannit nr. 1 af 18. juni 1987-meersumit nunaminertanik atuinissaq aamma pilersaarusiorneq aamma Nalunaarut nr. 23 af 18. november 1992-meersoq nunaminertanik atuinissaq pilersaarusiorterlu kingusinnerusukkut allannguuteqartut malilugit aaliangersaaneq ingerlatissavaa.

§1 Illoqarfiup ilaanut pilersaarusiap siunertaa

1.1 Illoqarfiup ilaanut pilersaarusiap qulakkiisavai:

- Alliliissutissanik marlunnik nappaasinnaaneq maannamut pioreersumut Meeqqat Illuanut,
- Allissutit illumut pioreersumut naleqqusarneqassasut aammalu sumiiffimmi illoqarfiup ilaanut pilersaarummi najugas-siaqarfiit eqqarsaatigineqassasut,

§2 Illoqarfiup ilaanut pilersaarusiap sumiiffia

2.1 Illoqarfiup ilaanut pilersaaruttip killiqarfii assimi bilagi 1-imi takuneqarsinnaapput.

2.2 Sumiiffik 0,2 ha miss. angissuseqarpoq.

§3 Sumiiffiup atorneqarfissaa

3.1 Sumiiffik pisortat suliffeqarfiutaannut unngasunut najugassiaqarfittullu atugas-satut siunertalimmik saqqummiunneqassaaq.

3.2 Sumiiffimmi najugassiat pisortat suliffeqarfiutaanut atuumassuteqartumik piler-sinneqassapput.

§4 Aqqusinermut biilinullu unittarfinnut tunngasut

4.1 Sumiiffimmut aqqusineq isertarfiusoq Tjalfesvejikuut pisassaaq.

4.2 Biilinet unittarfiit bilag 1 malillugu piler-sinneqassapput. Nunaminertani biilinet unittarfiit manngertumik qallersorneqassapput, soorlu ujaqqanik KB-sten-inik taagukkanik, asfaltimik betoni imaluunniit assingisaannik.

§5 Sanaartukkap annertussusia inissinneqarfialu

5.1 Sanaartukkat taamaallaat napparneqartassapput assimi bilagi 1-imi takutinneqartut sanaartorfissat iluanni.

5.2 Sanaartorfissap A-p iluani sanaartugaq ataasiinnarmik initalerlugu napparneqassaaq. Qaliata initaa najugassatut atorneqassanngilaq imaluunniit allatut isersimaarfittut assigisaanulluunniit.

5.3 Sanaartorfissap iluani B-imi sanaartugaq annerpaamik marlunnik qaleriinnik initalerlugit napparneqassaaq. Qaliata initaa najugassiatut atorneqassanngilaq imaluunniit isersimaarfittut assigisaanulluunniit.

5.4 Sanaartukkap initaata portussusissaanit portunerutinneqassanngilaq nalinginnaasumik najugassianit sanaartorneqartartutit portunerussanatik.

5.5 Toqqavissat pisariaqartitamit annerusumik portussusilerneqassanngillat, imappoq, toqqaviisa portussusaasa minnerpaaffissaat 0,5 meterimit portunerussanngillat nunamit pioreersuminngarnit.

5.6 Sanaartorfissat iluini taamaallaat ataasiakkaani qaqqanik qaartiterinissat naatsorsuutigineqassaq sumiiffiup ataasiunissaa eqqarsaatigalugu sanaartukkallu naleqquttumut inissinneqarsinnaanissaa eqqarsaatigalugu.

§6 Sanaartukkap qaakkut isikkua

- 6.1 Sanaartugaq nutaaq iluseqassaaq, savatungaata ilusissaa, atortussatigut qalipaatisaalu illumut B-1644.*) pioreersumut naleqqussarneqassallutik

**) Naleqqussaaneq ima paasineqassaaq allissutissat oqartussaasunit killiliussat B-1644'-p titartagartai malinneqassapput. Qalipaati B-1644-p qalipaataanit, atortussallu alaanerussuteqarsinnaapput kisianni allanik atuineq B-1644-mut naleqquttuussaaq.*

- 6.2 Qaliat ilusilerneqassapput nuugissutut 20°. –imik sivinganeqassallutik. Qaliai qernertumik qalissiamik qallerneqassapput.

- 6.3 Allissutissaq sanaartorfissami B-imi naparneqartussap saava ima ilusilerneqarsimassaaq Sanap illutaata isuisa assinganik.

Illup isua ima iluseqassaq balkonilerlugu Sanami pigineqartup assinganik, qulakkiissallugu allissutissaq ima paasineqarsinnaasunngorlugu Sanamut atanilittut.

§7 Nunaminertat sanaartorfigineqanngitsut

- 7.1 Nuna akornuserneqarsimasoq iluarseqqinneqassaaq.
- 7.2 Silami atortussat katersuunneqassanngilat.

§8 Teknikkikkut sanaartugassat

- 8.1 Illussat tamarmik imermut imikumullu aqquuserneqassapput.


- 8.2 Imeq nunap qaavatigut kuuttoq imerlu qalianinngaanneersoq imikup aqqutaanut aqquuserneqassanngillat, kisianni allamut kuutsinneqassallutik eqqaani sanaartukkanut, aqqusinernut, pisinnaat aqqutaannut, nunaminertanullu sanaartorfigineqanngitsunut ajoqutaanngitsumik.

- 8.3 Allissutissaq pioreersup kiassarneqarfianut atassuserneqassaaq.


Akuersissutigineqarnera

Taamaalluni Nuup Kommunalbestyrelsianit
siunnersuutitut akuersissutigineqarpoq ulloq
5. juni 2000.

Nuup Kommunea ulloq 19/06 - 2000

 
Agnethe Davidsen / Kim Hvistendahl
Borgmesteri Qullersaanerugallartoq


Tamanut nalunaarutigineqarpoq ulloq 21/06 - 2000



Atsiorneq:

Illoqarfiup ilaanut pilersaarutip killinga

Sanaartorfik



Uttuut 1:500

ILLOQARFIUP ILAANUT PILERSAARUT 1C2-2 Dronning Ingridip Napparsimmavissua



NUUP KOMMUNEA

TEKNIKKIMUT AVATANGIISINULLU INGERLATSIVIK

Maaji 2008



ILITSERSUUT.....	3
NASSUIAAT.....	4
Illoqarfiup ilaanut pilersaarutip tunuliaqutaa	4
Illoqarfiup ilaanut pilersaarusiornertup siunertaa	5
Pissutsit pioreersut	6
Illoqarfiup ilaanut pilersaarusiornertup imai	10
Teknikkimik pilersuineq	14
Pilersaarusiornertup allamut tunngasut	16
Inaarutaasumik inatsisinik atortitsineq	16
Tamanut saqqummiussineq	17
AALAJANGERSAKKAT.....	18
§ 1 Illoqarfiup ilaanut pilersaarusiornertup siunertaa	18
§ 2 Illoqarfiup ilaanut pilersaarusiornertup siunertaa	18
§ 3 Atuineq	18
§ 4 Aqqusineq aqqusineqqallu	18
§ 5 Sanaartukkap annertussusia inissisimaffialu	19
§ 6 Sanaartukkap silatimigut isikkua	19
§ 7 Nunaminertat sanaartorfiunngitsut	19
§ 8 Teknikkimik atortut	20
§ 9 Avatangiisimut tunngasut	20
§ 10 Nutaamik sanaartukkap atulersinneqarnissaanut piumasaqaatit	20
AKUERSISSUTEQARNERMI ATSIONEQ.....	21
Inaarutaasumik akuersissutigineria	21

Ilanngussat

Ilanngussaq 1: Illoqarfiup ilaanut pilersaarusiornertup killeqarfia immikkoortullu ilaannut tunngasut

Ilanngussaq 2: Sanaartorfissiat

Ilanngussaq 3: Pilersaarusiornertup titartagaq

Ilanngussaq 4: Tarralerlugit ilusilersuineq

Ilanngussaq 5: Titartakkat tukimoortut

ILITSERSUUT

Illoqarfiup ilaanut pilersaarummi nunaminertat, illut nutaat, aqqusineeqqat, aqqusernit il.il. qanoq atorineqassanersut, inissinneqassanersut aammalu immikkoortup aalajangersimasup iluani qanoq iluseqassanersut aalajangersarneqartarput.

Illoqarfiup ilaanut pilersaarut nassuiaatitaqarpoq aammalu illoqarfiup ilaanut pilersaarummut aalajangersagartaqarluni.

Nassuiaatini illoqarfiup ilaanut pilersaarutit siunertaa anguniagaalu naatsumik oqaluttuari-neqartarput, illoqarfiup ilaanut pilersaarusiortusumi eqqaanilu pioreersut aammalu illoqar-fiup ilaanut pilersaarut pilersaarutitut allanut qanoq attuumassuteqarnerisq.

Illoqarfiup ilaanut pilersaarusiortusumi aalajangersakkat atuuttussaviupput. Takussutissiarineqartut oqaasertaasalu siunertarivaat illoqarfiup ilaanut pilersaarutit aalajangersagartaasa nassuiarnissaat takussutissaqartinnissaallu.

Inatsisartut peqqussutaat nr. 6, 19. december 1986-imeersq, kingorna allannguuteqartinneqartoq aamma nunaminertanik atuisarneq pilersaarusiortarnerlu pillugit Nalunaarut nr. 23, 18. november 1992-imeersq malillugit Kommunalbestyrelse illoqarfiup ilaanut pilersaarusiortussaataavoq:

- *Kommunip pilersaarusiortarnerata piviusunngortinneqarnissaa qulakkeerniassallugu pisariaqartinneqarpat.*
- *Angisuumik illuliassaq, atortulersuutit imaluunniit nunaminertamik tunniussisarnerit aallartinneqartinnagit.*

Illoqarfiup ilaanut pilersaarusiortussaataanermi siunertaavoq pilersaarusiortanermi annertune-rusumik ataqatigiissaarisqarnissaa aammalu innuttaasut tamatumani peqataatinneqarnissaat anguniassallugu.

Taamaattumik illoqarfiup ilaanut pilersaarut sivikinnerpaamik sap. akunnerini arfinilinni ta-manut saqqummiunneqassaaq. Taamaalereerpat kommunalbestyrelsip akerliliissutaasinnaa-sut allannguutissatullu siunnersuutaasinnaasut naliliiffigissavai, pilersaarut inaarutaasumik akuersissutigineqartinnagu.

Illoqarfiup ilaanut pilersaarutit inatsisitigut atuuffii illoqarfiup ilaanut pilersaarummi erseq-qissumik allaaserineqarput.



Figur 1: Illoqarfiup ilaanut pilersaarusiorfiusoq

NASSUIAAT

Illoqarfiup ilaanut pilersaarutissatut siunnersuut 1C2-2, Dronning Ingridip Napparsimmavissua, matumuuna tamanut tusarniaassutigalugu saq-qummiunneqarpoq.

Illoqarfiup ilaanut pilersaarutit tunuliaqutaa

Illoqarfiup ilaanut pilersaarusiorfik Kommunimut pilersaarummi 2005-2014-imi immikkoortumut killiliussap 1C2-p, Dronning Ingridip Napparsimmavissua, ilaaniippoq. 1C2-1-imut, Meeqqat Illuat juuni 2000-imeersumik illoqarfiup ilaanut pilersaaruteqareerpoq, kommunimut pilersaarummi 1C2-mi immikkoortumut killiliussap ilaani.

Sumiiffik siunertanut ataatsimoorussassanut atugassanngortinneqarpoq; napparsimmaveqarfimmut tassungalugu attuumassuteqartunut. Piumasari-neqarpoq ungasinnerusoq eqqarsaatigalugu napparsimmaviup ikuaallaaviata, B-2192, sumiiffimmit nuunneqarnissaa. Qanoq iluseqartitsinissaq pillugu immikkut piumasaqaateqanngilaq Kommunimut pilersaarummi piumasari-neqartut sanaitigut.

Dronning Ingridip Napparsimmavissua (SANA) inissaaleqiffiuvoq, nutarterneqartariaqarluni kii-salu uninngasut nakorsiallu akornanni immikkoortitaarinissamik pisariaqartitsiffiulluni. Sanaitigut soorlu pilattaaviup aamma suliaritissimallutik sinitsinneqarsimasut immikkoortortaqarfiisa ataatsimoortinneqarnissaat pisariaqartinneqarpoq. Tamatuma ilaatigut pissutigivaa, Nunat Avannarliit assigalugit, Kalaallit Nunaanni Peqqinnissaqarfiup teknologiimik atortut annertunerusumik ataatsimoortillugit ator-neqarleriartuinnarneri.

Tassunga atatillugu Namminersornerullutik Oqartussat napparsimmaveqarfiup qanoq aqqissorneqarnissaanik nutarteriffigineqarnissaanillu siunnersuusiorput. Taannalu tassaavoq, qallunaatuinnaq pigineqartoq, Generalplan for Dronning Ingrid's Hospital, (Dronning Ingridip Napparsimmavissuanut ataatsimut pilersaarut) januaarimi 2007-imi ullulerneqartoq.


Ataatsimut pilersaarut tunngavigalugu Dronning Ingridip Napparsimmavissua aningaasaateqarfinut namminersortunut qinnuteqaateqarpoq, nakorsiartarfissamik nutaamik, pinartunik passussarfissamik kiisalu nutaamik pilattaasarfissamik pilersitsinissamut atugassanik. A.P. Møller aamma nulia Chastine Mc-Kinney Møllers Fond 2007-imi marsimi 140 mio. kr.-nik siunertanut tunniussivoq, sanaartornissap sapinngisamik piaartumik pinissaa kissaatigalugu.

Illoqarfiup ilaanut pilersaarusionerup siunertaa

Illoqarfiup ilaanut pilersaarusionerup siunertarivaa Nuummi Dronning Ingridip Napparsimmavissuata allineqarnissaa pillugu killissarititanik aalajangersaanissaq. Illoqarfiup ilaanut pilersaarusionikkut immikkoortumi nakorsiartarfiliornissaq, uninngasut sinerissameersut akunnittarfissaat kiisalu ilassutissaq, tarnikkut nappaatilinnut immikkoortorta qarfiusoq, sananeqarsinnaalissapput. Peqatigitillugu ullumikkut nakorsiartarfiusup aamma ajoqusersimasut nakorsiartarfiata allinissanut sanaartorfissiamik innersuussisoqassaaq taamatullu toqqorsiviup allinissanut sanaartorfissiaqassaaq, takuuk ilanngussaq 1.

Aamma illut B-274A-p aamma B274B-p isateneqarsinnaanissaat qulakkeerneqassaaq sanaartugassat nutaat inissaqartikkumallugit.

Illoqarfiup ilaanut pilersaarutip aamma siunertarivaa sanaartorfissiat atugassanngortinneqartut immikkoortumiittut ilusaat malillugit sanaartortoqarnissaa kiisalu napparsimmaveqarfiup illoqarfiup qiterisaatut qeqqata tungaanut/nit ersarinnerusumik attaveqartinneqarnissaa.



Figur 2: Aqquserngit assingat

Pissutsit pioreersut

Illoqarfiup ilaanut pilersaarusionsiorfiusup killilersornera

Illoqarfiup ilaanut pilersaarusionsiorfiusoq 1C2-2, Dronning Ingridip Napparsimmavissua, ullumik-kut 4.1 ha-it missaannik annertussuseqarpoq, tas-saniilluni Dronning Ingridip Napparsimmavissua.

Nuup qeqqaniit aqqusinikkut marlutsigut napparsimmavimmukartoqarsinaavoq: Jens Kreutzmann-ip Aqquaatigut aamma Dronning Ingridisvejikkut. Napparsimmavissuarmut isaariaa ullumikkut Jens Kreutzmannip Aqquaatigoorpoq. Napparsimmaviup avannaaniippoq Sanamut Aqut, Dronning Ingridip Napparsimmavissuata vinkeliani.

Napparsimmavik ivigalimmi inissisimavoq naqqa siltiulluni marraasaq, kujammut kimmut sivinga-sumiippoq Siorarsuit tungaannut. Toqqavia taanna atuarlugu kujammukanneq Evakueringsveji-mut killeqarpoq.

Illoqarfiup ilaanut pilersaarusionsiorfiup avatangiisii

Illoqarfiup ilaanut pilersaarusionsiorfik Nuup kujammut sineriaaniippoq, tamanna pinngortitaavoq sissap tungaanut ivigartarasaartoq sanaartorfigeqqusaanngitsorlu. Sineriak assattut isassimasutut kangerliumanertaqarluni nuuttaqartiterpoq.



Figur 3: Immikkoortup kujammut kimmut immap tungaanut killinga

Immikkoortoq kujammut kangimut Niels Ham-mekenip Aqqutaanut killeqarpoq. Tamanna ilaqtariinnut ataatsinut illoqarpoq, ataatsimik imaluunniit 1½-imik quleriillit. Illut qaqqap quassugartaani inissisimapput avammut sammisuullutik. Taakku ungataanni sumiiffimmut Kingittorsuaq qitiusutut ippoq.



Figur 4: Immikkoortup kujammut kangimut killinga, ungataaniippoq Kingittorsuaq.

Avannamut kimmuk aamma inissiaqarfik killeqarfiuvoq, ilaqtariinnut ataatsinut illut qaqqap quassugartaaniippuk Jens Kreutzmannip Aqqutaa atuarlugu inissisimasut.

Kiisalu illoqarfiup ilaanut pilersaarutip avannamut kangimut Saanamut Aqqummik, Peqqissaanermut ilinniarfik Qaqiffillu killeqarfigai. Immikkoortoq tamanna illoqarfiup ilaanut pilersaarutikkut 1C21-ikkut aalajangersaaffigineqarpoq tassalu taamaalilluni Dronning Ingridip Napparsimmavissuani sulisunut inissiaqarfittut aalajangersarsimalluni.



Figur 5: Immikkoortup avannamut kangimut killeqarfia, Qaqiffik saarliulluni

Napparsimmavissuaq sinerlugu kussineqartiterpoq aputip aanneranut kuuffissianik. Kusserngit ilai ujarattalersugaapput.



Figur 6: Kusserngit aamma maannakkut sinerissameersunut uninngasarfik

Sanaartukkat

Dronning Ingridip Napparsimmavissuata anner-saa 1979-imi sanaajuvoq. Immikkoortoq ataaseq Sanatorium 1954-imi sananeqaqqaaneraneersuuvoq ullumikkut sinerissamiit uninngasut najugarivaat. Immikkoortoq taanna matumani illoqarfiup ilaanut pilersaarutissatut siunnersuummi isatigassanngortinneqarpoq inaanilu sanaartorfissiat marluk, sinerissamiit uninngasunut najugassatut aamma tarnikkut nappaatilinnut, immikkoortortaqarfittut atugassanngortinneqarput.

Napparsimmavissuaq ullumikkut takisuunik illugiissitaartunik imminnut atasunik illutaqarpoq, pinngortitamut aamma illoqarfiup tungaanut, ku-

jammut kimmut aamma avannamut kangimut sammisunik. Sanimut sammisut qaqqap quassu-gartaa malillugu inissisimasuupput, kangerliu-marnup tungaanut, taamaalillutillu qaliaasa qaara-junnersaat nunataanut tulluuttumik isikkoqarluk.



Figur 7: Dronning Ingridip Napparsimmavissua sissap tungaanit isigalugu.


Sanimut kujammut kimmut sammisut illoqannginnersap sissallu tungaanut saamisuuupput il-luaniittullu avannamut kimmut sammisut illoqar-fiup tungaanut sammisuullutik. Napparsimmavis-suup katinnera torsuusarsuartut tukimut sam-misuuvoq sumiiffimmi pinngortitamik illoqar-fimmillu ataatsimoortitsisutut illuni.

Illutaata silatai qisuupput sungaartumik qali-paatillit, soorlu aamma Nuup Saavani nappar-simmavitoqaaq taamatut qalipaateqartoq. Nappar-simmavissuup annersaata sungaartumik qali-paateqartinneqarnera, tamarmiulluni marlunnik quleriilik 24.000 m²-it missaannik annertus-suseqartoq (immikkoortut tekniikkimut tunngas-sutillit, naqqup ataa qaliaalu pinnagit) qali-paatinik allanik ilaqartinneqarpoq, aappalaar-tumik igalasserfiisa qorsuusut tuliiisigut qali-paateqartillugit.



Figur 8: Qaliani apisarneranit ajornar-torsiutit

Napparsimmavissuup torsuusarsuarmut katissi-manera maannamumut apisarneranit ajornartor-siortitsisarpoq, maannakkut qaliata taamatut ilu-silersimanera pissutaalluni. Taamaammat Nap-parsimmavissuarmiit ajornartorsiut taanna iluar-siivigineqarusussimavoq qaliarluk atorluarlugu.



Figur 9: Aqqusinersuup Dronning Ingrid'svej-mut ilanngunneqarnera

Illoqarfiup ilaanut pilersaarusiortuup imai


Siunnersuutitut titartagaq

Illoqarfiup ilaanut pilersaarut titartakkamik siunnersuummik tunngaveqarpoq, taannalu Arkitektfirmaet C.F. Møller-imit suliarineqarpoq. Pilersaarusiartineqartumi kommunip Dronning Ingridip Aqqutaanut atasunik pitsanngorsaansanik anguniagai pingaartitaalu tunngavigineqarput. Pilersaarusiartimittaaq isikkiviup assigiinngitsutigut atorluarneqarnissaa periarfissiuuneqarpoq.


Atuineq / Illuliortaatsikkullu eqqarsaatersuutit

Sunniutaasinnaasut assigiinngitsut atorlugit aqqutit Dronning Ingrid'svejip tungaanoortut atorluarneqarput. Pingaarnertinneqarpoq napparsimmavissuarmut aqqusinnermit amitsumeersumiit isaarissap, Jens Kreutzmannip Aqqutaati-goortup, napparsimmavissuup avannaata kangianut nuunneqarnissaa. Taamaaliornikkut napparsimmavissuup isaariaa illoqarfiup qeqqata tungaanut sammisunngortinneqarluni.

Isaariaq napparsimmavissuup illutaata sammineranuk tusingasunngorlugu inissinneqassaaq, tukimut Siorarsuit tungaannut sammisunngorlugu. Ammarna akimut ersitsinniarneqarpoq, isaarisamiit illoqarfiup tungaanut sammisortaa aamma illuanut Siorarsuit tungaanut sammisortaa akimut isigisinnaanngorlugit.



Figur 10: Isikkiviit.



Figur 11. Napparsimmavissuup isaariaa nutaaq, Dronning Ingridisvejip isuani, talerpiata tungaani nakorsiartarfik nutaaq inissisimassaaq.

Nutaartaasussat annerusumik isaarissap tungaanut inissinneqassapput:

Illuliortaaseq eqqarsaatigalugu nutaaliorneq takujuminarsaanerlu annerusumik tunngavigineqarput taamaaliornikkut Dronning Ingridisvejip eqqaanut isaariaatalu silataanut malunniuteqarnerulersitsisoqassammat.



Figur 12: Sanamut Aqquataata aamma Dronning Ingridisvejip paarlaffiannit nakorsiartarfissamut samminera.

Sinerissamit uninngsut inaat

Illu nutaaliatut sananeqassaaq, ulamertortaa Dronning Ingridisvejimi qitiusutut inissinneqarluni. Illu ulamertuuvoq kaajallallugu isikkiveqaq-qullugu. Portussusia aamma ersialaarnertut pingaaruteqarpoq, isaariaatalu nalaanut inisinneratigut sinerissamit uninngasut inaat illoqarfiup tungaanit aggettunit isaariaaniillu takuneqarsinnaassaaq.



Figur 13: Tarnikkut nappaatilinnut immikkoortortaarfittassaaq Siorarsuit tungaanoortoq.

Psykiatri-p illutaa

Pilersaarusiame psykiatri-p illutassaani init uninngaviit amerlanersaat immap tungaanut sammitinneqarlutik aqqitaapput. Illup taamatut inissinneqarneratigut eqqarsaataavoq nunap kusartup eqqissisimanartullu katsorsaanermut ilanngullugit atorineqarnissaannik kissaateqarneq.

Pinartunut nakorsiartarfik + pilattaavik – ullumikkut nakorsiartarfiup ilassutissai.

Napparsimmaviup nakorsiartarfigeriigaa, immikkoortortanut 4-t, allilernerqassaaq allatullu aqqis-sorneqarluni, pilattaavissamut nutaalamut ajoqusersimasunullu immikkoortortaarfissap atortussaannik inissaqartitsiumalluni.

Torsuusarsuarmi qaliamik atorluarneq.

Torsuusarsuup allilernerqarneratigut apummik ajornartorsiutaasartut arlallit iluarsiivigineqas-sapput. Tamatuma saniatigut alliliinikkut qaliaq ataqatigiissaarnerulissaaq atorluarneqarnerussallunilu minnerunngitsumillu torsuusarsuaq illup

ilusaanik taamaalilluni sakkortunerulersitsissalluni.

Angallanneq

Ullumikkut Jens Kreutzmannip Aqqutaa annermik atorneqartarpoq. Kommunimit anguniarneqarpoq Dronning Ingridisvejip annerusumik napparsimmavimmut aqqutitut atorneqarnissaa, Dronning Ingridisvejip eqqaanik atorluaanerunissaq aamma Jens Kreutzmannip Aqqutaani angallannerup annikillisinneqarnissaa eqqarsaatigalugit.

Pilersaarusimi aqqusinernut aqqusineeqqanullu atugassanngortitsineq pioreersut atuinnarnissaanik tunngaveqarpoq. Tarnikkut nappaatilinnut immikkoortorta qarfittaassap tungaanut aqqusiniornissaq aqquserngit pioreersut atorlugit aqqinneqassaaq aamma ikualattoornissamut sillimassutaasut eqqarsaatigalugit. Kommunimut pilersaarut malillugu 175 m²-imut biilnut uninngasarfik naatsorsuussaavoq. Biilnut uninngasarfiit immikkoortitanut inissinneqassapput, illoqarfiup tungaanut sammisuni taamatullu sinerissamit uninngasut inaata eqqaani.

Nunataa

Pilersaarusiami uninngasut inaata nutaat immap tungaanut sammitinneqarput qasuernartutut alia-naatsumik inissitaallutik.

Nunataa ilusilersugaavoq, kussinilersugaalluni. Kusserngit assiaqutillu nunataanik illutaanillu ataatsimoortitsissapput. Kujammut nunataata allanngorarnera illup sananeqaataanut tulluartunngortinneqarsinnaavoq, ujarattalersugaq sinerissamit uninngasut inaata eqqaaniitinneqarsinnaalluni. Avannaata aamma kangiata tungaani kusserngit aamma taamatut sumiiffimmeersunik ujarattalersugaasinnaapput. Pinartunik nakorsiarfiup silataa asfaltimik betonimilluunniit qallerneqassaaq.

Dronning Ingridisvej isaarissap silataanut killeqartinneqassaaq isarissallu eqqaa nunagissagaalluni. Illoqarfiup ilaanut pilersaarummi anguniarneqarpoq tamaani ujaqqanik sinaakkusersuinissaq sumiiffiullu ilusaa malillugu qaammaqqusersugaanissaa. Biilnut uninngasarfiit aamma tassani inis-saqartinneqassapput.

Tarnikkut nappaatilinnut immikkoortortaqrarfiup eqqaani sumiiffiit issittumi naasunik naatsiivilerneqassapput ujaqqanik assiaqutsersukkanik kuuffilersukkanillu. Sumiiffinni naasut ilusilersuiner-mut aamma atorneqarsinnaapput.

Avatangiiseq

Napparsimmavissuup ikualaavia, B-2192, Kommunimut Pilersaarut 2005-2014 naapertorlugu ungasinnerusoq eqqarsaatigalugu allamut nuunneqassaaq, eqqaani qanittumi inissiaqarnera pissutigalugu.

Teknikkimik pilersuineq

Kuuffissuit, erngup innaallagissallu aqquai nunap iluatigoortinneqassapput.

Immikkut piumasaqartoqartinnagu pilersuiner-mut aqquai qaavini nunaminertat qallerlugit assiaqut-serlugilluunniit sanasoqassanngilaq. Ledningit pineqartut allanngortinneqassagaluar-pata, allanguineq piginnittumut aningaasartuutitaqanngit-sumik aamma piginnittup malittarisassai malillu-git pissaaq.

Kiassarneq:

Immikkoortoq innaallagissamoortumik kiassar-neqassaaq. Allatut periarfissat tassapput avata-ngiisimut ajoqutaanngitsut nukissiutit, soorlu se-qernup kissarnera, nunap kissarnera allallu.

Imeq:

Immikkoortoq pisortanit imermik pilersorneqas-saaq.

Imikoorut:


Imikoq kuuffimmut tamanit atorneqartumut i-ngerlatinneqassaaq.

Sanaartukkat nutaat kuuffimmut tamanit atorne-qartumut attavilerneqassaaq. Imeq nunakkut kuuttoq illullu qalianiit kuuttoq kuuffimmut aq-quserneqassanngilaq sanaartukanulli, aqqusiner-nut, aqqusineeqqanut, nunaminertanut sanaartor-fiunngitsunut assigisaannullu illoqarfiup ilaanut pilersaarusi-orfigisami ajoqutaajunnaarlugu aqqu-serneqassalluni – soorlu kussinernut kuuttussan-ngortillugu.

Eqqaavilerineq:

Immikkoortoq Nuup Kommuneata eqqaavilerinermut aaqqissuussineranut ilaatinneqarpoq, malittarisassat sukkulluunniit atuuttut malillugit malittarisassaqartinneqarluni.

Pilersaarusiornermut allamut tunngasut



Figur 14. Killiliussaqaarfik 1C2 titarnermik kittorartaartumik aappalaartumik ilisarnaateqarpoq, illoqarfiullu ilaanut pilersaarutit killeqarfii qaqortuullutik.

Kommunimut pilersaarut

Illoqarfiup ilaanut pilersaarut una 1C2 Kommunimut Pilersaarummi 2005 – 2014-imi ilaavoq. Illoqarfiup ilaanut pilersaarusiorneq killiliussanut malittarisassat malillugit suliaavoq.

Illoqarfiup ilaanut pilersaarutit

Illoqarfiup ilaanut pilersaarut 1C2-1, Meeqqat Illuat, juuni 2000-imeersuuvoq, kommunimut pilersaarummi immikkoortumut killiliussap 1C2-p ilamininngua, tassaniippoq meeqqerivik.

Illoqarfiup ilaanut pilersaarut 1D3-2, siusinnerusukkut illoqarfiup ilaanut pilersaarummik 1.24-mik normoqartinneqartoq, Noorliit, 1993-imeersoq. Pilersaarummi tassani qulakkeerniarneqarpoq kujammut sineriaata nunataata, Siorarsuit, iluatinnartortaanik allanngutsaaliinissaq.

Kommunimut pilersaarummut tapiliussaq nr. 4

Immikkoortumut killiliussaq 1D10, Dronning Ingridip Napparsimmavissuata eqqaani sukisaarsarfittut atugassanngortitaavoq. Taanna Naalakkersuisunit inaarutaasumik suli akuersissutigineqanngilaq.

Inaarutaasumik inatsisinik atortitsineq

Illoqarfiup ilaanut pilersaarut inaarutaasumik Kommunalbestyrelsimik akuersissutigineqareerpat, nunaminertat, illut atortullu, pilersaarutissatut siunnersuummi ilaatinneqartut, taamaallaat illoqarfiup ilaanut pilersaarutissatut siunnersuutip aalajangersagartai naapertorlugit atorpeqarsinnaallutillu sananeqarsinnaapput.

Pissutsit immikkut ittut pineqartillugit aalajangersakkat annikitsumik avaqqunneqarsinnaapput.

Malunnaateqarnerusumik avaqqussisoqassatillugu tamanna nutaamik illoqarfiup ilaanut pilersaarusiornermik kinguneqartussaassaaq.

Illoqarfiup ilaanut pilersaarutip pilersaarummi ilaatinneqartut nunaminertat, illut atortullu pilersinneqarnissaat kingunerissanngilaa.

Nunaminertanik, illunik atortunillu akuerisaasumik ullumikkut atuineq ullumikkutuut ingerlatiinnarneqarsinnaavoq.

Tamanna ilaatigut ima isumaqarpoq, malittarisasat malillugit nunaminertanik, illunik atortunillu atuneq ingerlatiinnarneqarsinnaasoq akertianilli allannguilluni atuneq imaluunniit nutaamik sanaartorneq illoqarfiup ilaanut pilersaarummik uniuinani pissasoq.

Tamanut saqqummiussineq

Illoqarfiup ilaanut pilersaarutissatut siunnersuut 1C2-2, Dronning Ingridip Napparsimmavissua, tamanut oqallisissanngorlugu piffissami 27. marts 2008-imiit 8. maj 2008-ip tungaanut saqqummiunneqarpoq.

Tusarniaassutiginerata nalaani akertiliissutit sisamat tiguneqarput.

Illoqarfiup ilaanut pilersaarut Kommunalbestyrelsen 26. maj 2008 ataatsimiinnermini suliaraa illoqarfiullu ilaanut pilersaarutip tamanut saqqummiunneqarnerani allannguutissat ilanngullugit akuersissutigalugulu.

- Sanaartorfissaq 1-imik allilinerineq, taamaalluni sulluusarsuarmut attaveqarneq allilernerneqarniassammat.
- Illoqarfiup ilaanut pilersaarutip Siunertaan § 1-imut ilassusiineq.
- Avatangiisit pillugit aalajangersakkamik nutaamik ilassusiineq.
- Allaffissornikkut arlalinnik nassuiaataani aalajangersagartaanilu iluarsissuteqarneq, kiisalu assiliartaanik iluarsaassinerit.

Illoqarfiup ilaanut pilersaarut ukunani atuarneqarsinnaavoq imaluunniit saaffiginninnikkut pinarneqarluni. www.nuuk.gl Nunatta Atuagaateqarfia, imaluunniit

Teknikkimut Avatangiisinullu ingerlatsivik
tlf.: 34 74 31.

AALAJANGERSAKKAT

Illoqarfiup ilaanut pilersaarummi anguniarneqartut naapertorlugit matumuuna aalajangersakkat aalajangersarneqarput, Inatsisartut peqqussutaat nr. 6, 19. decembari 1986-imeersoq, kingorna allannguuteqartinneqartoq, aamma nunaminertanik atuineq pilersaarufiginerilu pillugit Nalunaarut nr. 23, 18. novembari 1992-imeersoq, kingorna allannguuteqartinneqartoq, naapertorlugit.

Matumuuna Kommunalbestyrelsimit aalajangersakkat makku aalajangersarneqarput.

§ 1 Illoqarfiup ilaanut pilersaarusiorderup siunertaa

Illoqarfiup ilaanut pilersaarummi siunertaa-voq:

- *Qulakkiissallugu* Dronning Ingridip Napparsimmavissuup allilerneqarsinnaanissaa.
- *Qulakkiissallugu* nutaamik sanaartukkap sumiiffiup kujataani sanaartorfigeqqusaanngitsumut naapertuuttuunissaa.
- *Qulakkiissallugu* sumiiffimmiit eqqaani sanaartorfiunngitsunut aqquteqarnissaa
- *Qulakkiissallugu* sanaartukkap assigiinngiaartumik iluseqartinneqarnissaa
- *Qulakkiissallugu* pinnguarterfimmik sukisaarsarfeqarnissaanik periarfissaqartitsinissaaq
- *Qulakkiissallugu* immikkoortup Dronning Ingridisvejimiit aqquteqartinnissaa.
- *Qulakkiissallugu* sanaartorfissatut innersuunneqartut, immikkoortup isikkusaanik kissaateqarneq malillugu sapinngisamik qitiusumut atanerata piuinnaartillugu suliarineqarnissaa.

§ 2 Illoqarfiup ilaanut pilersaarusiorderfiusoq

- 2.1 Illoqarfiup ilaanut pilersaarusiorderfik ilanngussaq 1-mi takutinneqartutut killeqartinneqarpoq, annertussuseqarlunilu 4.2 ha.-it missaannik.
- 2.2 Sanaartorfissiat nutaat 5-it atugassannagortinneqarput, 1, 2, 3, 4 aamma 5-mik taaguuserneqartut, ilanngussaq 2-mi takutinneqarput

§ 3 Atuineq

- 3.1 Illoqarfiup ilaanut pilersaarusiorderfiusoq tamanut siunertaqartunut atorneqassaaq, Dronning Ingridip Napparsimmavissuanut atuuffiit ilaasut ilanngullugit
- 3.2 Sanaartorfissiat 1-5 Napparsimmavissuup allilerneqarneranut tassungalu atuuffissaanut immikkoortinneqassapput.
- 3.3 Illup allilernerani illup naqqaliortoqarsinnaavoq, nunataani atorsinnaasumi.
- 3.4 Illup qaliai naatsiiveeraliorfiusinnaapput sukisaarsarfittullu atorneqarlutik.
- 3.5 Illoqarfiup ilaanut pilersaarutit siunertaanut inissaqartitsiumalluni, illuutit B-274 A aamma B-274 B ilanngussaq 1-mi taaneqartututut piiarneqarsinnaapput.

§ 4 Aqqusineq aqqusineeqqallu

- 4.1 Illoqarfiup ilaanut pilersaarusiorderfiusumut aqqusineq ilanngussaq 2-mi takutinneqartukkat pissaaq.
- 4.2 Sinerissamit uninngasut inaannut aqqut ilanngussaq 2-mi takutinneqartutut pissaaq.
- 4.3 Tamanit tikinneqarsinnaasut pitsorluttunut assakaasulinnillu kaassuartakkanik atuisunut pisariillisaaffigineqassapput.
- 4.4 Biilinut uninngasarfiit ima amerlatigisut pilersinneqassapput:

175 m² biilinut 1 uninngasarfik 1.

- 4.5 Aqqusinissatut A-tut atugassanngortinneqartoq 6 meterinik silissuseqartinneqartoq.

§ 5 Sanaartukkap annertussusia inissisimaffialu

- 5.1 Ilassutigineqartut taamaallaat ilanngussaq 2-mi sanaartorfissiami takutinneqartup iluani sananeqarsinnaapput.
- 5.2 Sikkiliisiviit allallu illut napparsimmavimmut attuumassuteqartut immikkut qinnuteqaatigineqarsinnaapput.
- 5.3 Immikkoortumi nutaamik sanaartukkat sanaartorfissiani portussusilernerip kipe atorlugu imatut aalajangersarneqartut:
Sanaartorfissiat 1-mi annerpaamik kote 28.0 angullugu sanaartorfiussapput.
Sanaartorfissiaq 2-mut annerpaamik kote 33.5 killigitinneqarpoq.
Sanaartorfissiaq 3-mut annerpaamik kote 50.0 killigitinneqarpoq. Sanaartorfissiaq 4-mut 25 killigitinneqarpoq. Sanaartorfissiaq 5-imut 32 killigitinneqarpoq.
- 5.4 Ilassutaasut angissusissaat 11.800-mut annerpaaffissalernerqarpoq init qulerivissa miiterilersorneri imaalillugit agguataarneqartut:

Sanaartorfissiaq 1:
Ca. 3600 bruttoetagemeter.

Sanaartorfissiaq 2:
Ca. 1200 bruttoetagemeter.

Sanaartorfissiaq 3 + 4 + 5:
Ca. 7000 bruttoetagemeter.

- 5.5 Sanaartorfissiami annerpaamik 1,5 meterinik altaninut sippuisoqarsinnaavoq.

§ 6 Sanaartukkap silatimigut isikkua

- 6.1 Sanaartugassaq takussutissatut titartakap ilanngunneqartup, ilanngussaq 4-tut, assinganik iluseqartinneqarsinnaavoq.
Silataata ilusissai atortorineqartussallu

tamarmik Nuup Kommuneanit akuerissanngorlugit nassiunneqassapput.

- 6.2 Illoqarfiup ilaanut pilersaarusiortusumi sanaartukkat, illuliortaatsikkut, qalipaattimikkut atortumikkullu tamaani sanaartukkanut nallersuuttuussapput.
- 6.3 Sanaartorfissiaq 2-mi (ullumikkut nakorsiartarfiup eqqaani) sananeqartussaq ullumikkut pioreersup ilusaata assipaluanik iluseqartinneqassaaq.
- 6.4 Illumut isaarissat alliit alloriusaqartinneqassanngillat.
- 6.5 Majuarterfiit assiaqutigitinneqartullu illumut qajannaarsimassapput.
- 6.6 Silaannarissarfiit assigisaalu illumut ilaatinneqassapput aamma illup ilusaanut tulluurtunngorlugit ilaatinneqarlutik.
- 6.7 Teknikkikkut atortulersuutaasinnaasut qaliani toqqissinut inissinneqassapput illullu ilusaanut tulluuttuutinneqarlutik.
- 6.8 Toqqavii nunamiit annerpaamik 1,0 meterinik portussuseqartinneqassapput.
- 6.9 Qaliatigut aniinganerit 2,5 meterinik silinnerussanngillat.
- 6.10 Napparsimmavissuup atuuffii taamaallaat pillugit allagartalersuisoqarsinnaavoq.

§ 7 Nunaminertat sanaartorfiunngitsut

- 7.1 Sanaartornermut aamma illumik atuinermut atatillugu nunaminertami nuna annikitsuinnarmik innarlernerqarsinnaavoq kingornalu pissusaatut iluarsanneqassalluni.
- 7.2 Nunaminertat sanaartorfiunngitsut sivi-sunerusumik sunilluunniit inissiivittut atorineqassanngillat.
- 7.3 Nunaminertat sanaartorfiunngitsut, assiaqutit aamma aqqusinermut atortut sanaartornermi allatulluunniit sulisoqarneratigut innarlernerqartut pissusaattut iluarsineqaqquissapput.

- 7.4 Uninngasunut immikkoortortaqarfiit akileriissut akornanni soqannginnersami pinnguarterfiliortoqarsinnaavoq napparsimmavissuarmi meeqqanut uninngasunut atorneqarsinnaasumik.
- 7.5 Atortut (issiaviit, eqqaaviit, allagarsii-viit, qaammaqqutit assigisaallu) soqannginnersamiitinnegartut tamanit atorneqarsinnaasunngorlugit inissineqassapput illoqarfiup ilaanut pilersaarummut atasutut.

§ 8 Teknikkimik atortut

- 8.1 Sanaartukkat tamarmik pisortat kuuffis-suaqarfiinut imermillu pilersuiffiit at-tavilerneqassapput.
- 8.2 Imeq nunap qaaniittoq kuutsinneqartor-lu kuuffissuarnut kuutsinneqassaangilaq, kuutsinneqassallunili eqqaani illu-nut, aqqusinernut, aqqusineeqqanut sa-naartorfiunngitsunullu akornutaanngit-sumik, soorlu kussinernut.
- 8.3 Teknikkimik atortulersuutit, soorlu kuuffussuit, innaallagissap erngullu aq-qutai, assanneqarsimasut kisimik atorneqarsinnaapput.
- 8.4 Nutaamik sanaartorneqartut innaallagis-samoortumik kiassagaassapput allatuluunniit avatangiisimut ajoqutaanngit-sumik nukissiutinik, soorlu seqernup kissarneranit kissamilluunniit allameer-sumik kiassarneqarsinnaapput.
- 8.5 Igitanik immikkoortiterineq Nuup Kommuneata eqqakkanut malittarisassai sukkulluunniit atuutsinneqartut malillu-git pissaaq.

§ 9 Avatangiisimut tunngsut

- 9.1 Igitanik immikkoortiteriviit igitanillu katersuiffiit illup iluaniitinnegassapput imaluunniit assiaqutsikkap iluaniitinnegarlutik.
- 9.2 Assiaqutsikkat silataanni containerinik inissiisoqassanngilaq.

- 9.3 Immikkoortup avatangiisaanut malussajsumik sanaartortoqalersinnagu, tamatum eqqaani inuussutissarsiorfiusuni avatangiisinik sunniisinnaanera illoqarfiup ilaanut pilersaarutip killissarititatu atuutsitaanut siunnerteqannginnissaa uppersarneqaaqqaassaaq.

§ 10 Nutaamik sanaartukkap atulersinne-garnissaanut piumasaqaatit

- 10.1 Nutaamik sanaartorneqartoq aatsaat atorneqarsinnaalissaaq § 4.4-imi biilinu uninngasarfissanik piumasarineqartut naammassineqarsimatillugit.
- 10.2 Nutaamik sanaartorneqartoq aatsaat atorneqarsinnaalissaaq taanna pisortat kuuffissuunut imermillu pilersuiffiit at-tavilerneqarsimatillugu.
- 10.3 Nutaamik sanaartugaq aatsaat atorneqarsinnaalissaaq § 7-imi imm. 7.1 naammassineqarsimappat.

AKUERSISSUTEQARNERMI ATSIONEQ

Inaarutaasumik akuersissutiginera

Nuup Kommuneani kommunalbestyrelsip 26. maj 2008-imi matumuuna Illoqarfiup ilaanut pilersaarut 1C2-1, Dronning Ingridip Napparsimmavissua akuersissutigaa.

Nuup Kommunea, ulloq *17 juni 2008*




Nicolaj Heinrich
Borgmesteri

/




Kim Hvistendahl
Allaffissuup pisortaanera



- Illoqarfiup ilaanut pilersaarusiortuup killinga
- Lokalplanområdets afgrænsning
- Illut isaterneqartussat
- Bygninger til nedrivning






Lokalan 1C2-2, Dronning Ingrid's Hospital
Sanaartorfissat / Byggefelter
Ilanngussaq 2 / Bilag 2

Uloq / Dato
Tegningsnr.
J. nr.
Skala
Sull. / Sagsbeh.

Juni 2008
1C2-2
1:1500
MAEU

FORVALTNING FOR TEKNIK OG MILJØ
BYPLAN





- Sanaartorfissat portunerpaaffissaat
Max kiptoter
- 32
-A.....
-P.....
- Aqquisineq nutaaq / Ny vej
- Biilinu uninngasarfiit / P-pladser




FORVALTNING FOR TEKNIK OG MILJØ
BYPLAN

Ullaq / Dato
Tegningsnr.
J. nr.
Skala
Sull. / Sagsbeh.


Juni 2008
1C2-2
1:1500
MAEU

Lokalan 1C2-2, Dronning Ingrid's Hospital
Sanaartorfissat portunerpaaffissaat
Max kiptoter. Ilanngussaq 3 / Bilag 3




Ilanngussaq 5 / Bilag 5
Tarralerlugit ilusilersuineq / Skyggediagrammer

09:00



23 September: Sol op 7:05 - sol ned 19:33


12:00



16:00



09:00




15 November: Sol op 9:14 - sol ned 15:10

12:00



16:00



09:00



21 Marts: Sol op 6:25 - sol ned 18:44

12:00



16:00




09:00



21 Juni: Sol op 2:53 - sol ned 00:04

12:00



16:00

